

婦人良方卷之八

臨川

陳自明

編

古吳

薛己

註

後學

蔣宗澹

宋雲璈

朱明全校

婦人小便淋瀝不通方論第一

婦人淋瀝由腎虛而膀胱熱也蓋膀胱與腎爲表裏主於水行於脬者爲小便也若腎虛則小便頻

數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱火用黃芩清肺飲若肝經濕熱用龍膽瀉肝湯血虛用加味逍遙散陰虛用六味丸加柴胡山梔大抵不渴而不利者熱者熱在下焦血分也用滋腎丸渴而不利者熱在氣分也用清肺飲尺脉數而無力者陰火盛

而陽不能化也用六味丸滋腎丸爲主尺脉浮而無力者陽氣虛而陰不能生也用加減八味丸滋腎丸爲主

附治驗

一婦人素有前患內熱體倦余以爲肝火血少脾氣虛弱用八珍逍遙二散兼服月餘而小便利又用八珍湯而氣血復

一婦人患前症面青脇脹投之諸藥不應予以爲此肝經氣滯而血傷用山梔川芎煎服數劑

而愈

一婦人小便不利小腹并水道秘悶或時腹脇
脹痛余以爲肝火用加味道遙散加龍膽草四
劑稍愈乃去膽草佐以八珍散加炒黑山梔兼
服而瘥

石韋湯 治小便實熱氣滯淋瀝

石韋

黃芩

炒

木通

榆白皮

葵子

瞿麥

甘草

各五分

右薑水煎服

鷄蘇散 治血熱淋瀝

鷄蘇葉 木通各二兩 生地黃 滑石各三兩

刺薊根一兩

右每服半兩淡竹葉三七片水煎

桃仁煎 治血瘕小便如淋臍腹脹痛方見血瘕門第七卷

第九論

火府丹 治心經積熱小便澀及五淋加甘草名導赤散

生地黃二兩杵膏 木通為末 黃芩炒各一兩

右加蜜丸桐子大每服三十丸木通煎湯下

許學士云一卒病渴日飲水斗許不食者三月
心中煩悶時已十月余謂心經有伏熱與火府
丹數服越二日來謝云當日三服渴止又三服
飲食如故此本治淋用以治渴可謂通變也

一方牛膝一合水煎入麝香少許服之鄆縣耿武
尉夢得其內患淋下砂石剝剝有聲甚爲苦楚
一服而愈

附方

滋腎丸 治熱在血分不渴而小便不利或腎虛

足熱腿膝無力不能履地又下焦陰虛小便不利
利肚腹腫脹或皮膚脹裂眼睛突出此神劑也
知母酒炒 黃栢酒炒各二兩 肉桂二錢
右各另爲末水丸桐子大每服二百丸空心百
滾湯下

黃芩清肺飲 治肺熱小便不利宜用此藥清之

黃芩炒 山梔炒各一錢

右水煎服不利加鹽豉二十粒

五淋散 治膀胱有熱水道不通淋瀝不出或尿

如豆汁或成砂石或如膏汁或熱拂便血

赤茯苓

一錢五分

赤芍藥

山梔

各一錢

當歸

甘草

各一錢二分

右入燈心水煎服

補中益氣湯

方見二十四卷第六論

八珍湯

加味歸脾湯

加味逍遙散

三方見二十四卷第四論

龍膽瀉肝湯

方見二十四卷第八論

加減八味丸

六味丸 二方見二十四卷第十一論

婦人脬轉小便不利方論第二

婦人脬轉或內熱傳搏於胞或恐小便氣逆於內以致小腹急痛不得小便甚者至死

愚按前症不問男女孕婦轉筋小便不利命在反掌非八味丸不能救餘參前後論主治

附治驗

一婦人小便淋澀小腹脹悶胸滿喘急諸藥不

應余視爲轉筋之症用八味丸一服小便如湧而安

一婦人因鬱怒小便滴瀝漸至小腹腫脹痰咳喘促余用八味丸料煎服小便卽利而痊

一婦人素善怒小便淋瀝不利月經不調半載矣或兩脇脹悶或小腹作痛或寒熱往來或胸乳作痛或咽喉噎塞或兩腳筋攣或肢節結核面色青黃不澤形氣日瘦左關弦洪右關弦數此鬱怒傷肝脾血虛氣滯爲患朝用加味歸脾

湯以補脾氣解脾鬱祛肝火夕用滋腎丸生肝散滋腎水以生肝血抑肝火舒筋膜兼服月餘而愈

滋腎生肝飲

山藥

山茱萸

肉各一錢

熟地黃

自製二錢

澤瀉

茯苓

牡丹皮

各七分

柴胡

三分

五味子

杵炒五分

白朮

當歸

甘草

各三分

右水煎服

葱白湯

治氣滯小便不通腹脹欲死

橘皮

三兩

葵子

一兩

葱白

一莖

右水煎分三服

八味丸

治脬轉小便不通殊有神効但世所不

用以致誤人多矣

方見二十四卷第十一論

滑石散

治脬轉小便數日不通

滑石

一兩

寒水石

二兩

葵子

一合

右爲末以水一斗煮至五升時服一升卽利

又方

亂髮

燒灰

葵子

車前子

各等分

右爲末每服二錢酒調下

石韋湯

治脬轉小便不通

方見前

治強忍小便致脬轉尿不利困篤欲死

滑石

二兩

亂髮灰

一兩

右爲末每服三錢桃白皮一觔細切熟杵入水

三盞絞取汁調服

千金翼用杏仁

二十粒去皮尖

麩炒黃嚼細水送下立通

一方皂角爲末吹鼻內取嚏

婦人小便數方論第三

婦人良方 七
小便乃腎與膀胱主之蓋腎氣通於陰若二經虛而熱乘之則小便澁滯虛則頻數也

愚按前症若肝經火動用逍遙散加龍膽草車前子膀胱火動六味丸加麥門五味肝腎濕熱龍膽瀉肝湯鬱傷肝脾加味道遙散加味歸脾湯肝脾肺氣虛補中益氣加麥門五味肝經血虛加味道遙散腎氣虛敗鹿茸散如不應用八味丸

一婦人患前症小便頻數日晡熱甚此肝脾血
虛氣滯而兼濕熱也用加逍遙散加車前子而
愈

一婦人患前症發熱煩躁面目赤色脉洪大而
虛余謂此血虛發躁用當歸補血湯數劑而痊
一婦人久患前症泥屬於火雜用寒涼止血之
劑虛症悉具余曰此脾胃虧損而諸經病也當
補中氣爲主遂以六君補中二湯兼服兩月餘
尋愈

方藥

桑螵蛸散

治腎氣虛寒小便數少或時頻數或

夜間尤數

桑螵蛸

三十枚

鹿茸

炙

牡蠣

煨

甘草

炒二兩

黃芪

炒

右爲末每服二三錢食前空心用薑湯調下日

二服

縮泉丸

治脬氣虛寒小便頻數或遺尿不止小

兒尤効

烏藥

益智仁等分

右爲末酒煎山藥末爲糊丸桐子大每服七十

丸鹽酒或米飲下

鹿茸散 治腎氣虛寒便溺數甚或夜間頻數遺

溺

鹿茸灸

桑寄生

當歸

烏賊魚骨

龍骨

煨各二兩

白芍藥

炒

附子

炮各三錢

桑螵蛸

灸各錢

右爲末每服二錢空心并食前用溫酒調下作

丸服亦可凡用附子重一兩三四錢底平頂圓